



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 52. Martyrium S. Gerardi in Hungaria.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

Sæculum XI. multum abhinc temporis Henricus Ec-
A.C. 1047. clesiæ Constantiensi Theodoricum Archi-
 capellanum suum, & Præpositum Eccle-
 siæ Aquisgranensis, Ecclesiæ Argentora-
 tensi Herrandum Præpositum Spirensē,
 & Virdunensi Theodoricum Præpositum
 Basileensem, præfecerat.

Clemens II. Papa Imperatorem in
 Germaniam secutus, obiit hoc ipso anno
 nona Octobris, postquam menses novem
 & dimidium in Petri Cathedra sedisset.
 Sepultus est Bambergæ, cui Ecclesiæ antea
 præfuerat, ubi hodieque ejus Sepulchrum
 visitur. Post obitum Clementis, Roma-
 ni Halinardum Archiepiscopum Lugdu-
 nensem Papam sibi exoptarunt, nam Im-
 perator, donata magna pecuniæ summa,
 pactus fuerat, ne se inconsulto Papam
 eligerent. At Halinardus caute Regiam
 devitavit, usque dum alius ad Summi
 Pontificatus apicem electus fuisset.

§. LII.

Martyrium S. Gerardi in Hungaria.

Jo. de Thu- Dum hæc alibi geruntur, Hungari Regi
roez. c. 30. Petro semper infensi, tres viros prin-
 cipes, olim fuga sibi consulere coactos,
 Andream, Belam & Leventeum, ex S.
 Stephani genere ortos, revocarunt. Cum-
 que illi advenissent, seditiosi licentiam
 sibi dari contumaciter petierunt, qua,
 sicut majores sui, moribus paganorum vi-
 verent,

verent, Episcopos & Clericos necarent, *Sæculum XI.*
 Ecclesias destruerent, Religionem Chri- *A.C. 1047.*
 stianam devoverent, Idola adorarent.

Quid agerent Andreas & Leventeus, nam
 Bela necdum redierat? nempe furori po-
 puli cedendum fuit, cum non aliis con-
 ditionibus contra Petrum Regem dimi-
 caturus se plerique affirmarent. Qui-
 dam Vatha omnium primus Deorum
 cultum professus caput sibi rasit, relictis
 tribus floccis temere dependentibus, cu-
 jus hortatu Hungari passim sacrificare
 Damonibus & carnes equinas comedere
 cœperunt. Christianos sive Clericos,
 sive Laicos neci dabant, Ecclesias flam-
 mis vastabant. Tandem in Petrum Re-
 gem aperte rebelles, omnes Germanos
 & Latinos, quos ad diversa munia ob-
 eunda in Hungariam sparserat, probrosa
 morte tollunt, mittuntque ad Petrum
 immanem Legationem, quippe signifi-
 cari jubebant, Episcopis, Clericis & omni-
 bus decimarum Exactoribus moriendum
 esse, Cultum Deorum restituendum, &
 Petri memoriam ex omnium postero-
 rum mente delendam.

Tum Andreæ, & Leventeo cum co-
 piis usque ad oppidum, vulgo *Pest*, in
 ripa Danubii positum, progredientibus
 Episcopi quatuor Gerardus, *Bextrit*, Bul-
 dius, & Benetha, cum eos venire compe-
 rissent, Alba egressi obviam processe-
 runt,

Sæculum XI. runt, ut honorifice exciperent. Ubi in
A.C. 1047. locum, qui *Giord* dicebatur, pervenerunt,

Missæ a Gerardo celebratæ interfuere,
 qui priusquam Sacra exordiretur Colle-
 vit. *S. Ge.* gas allocutus, *scitote, Fratres mei!* in-
ard. Sac. 6. quit, *nos hodie, Episcopo Benetha exce-*
Ben. p. 630. pto, *Martyrii palmam consecuturos.* His

dictis, cum omnes Sacra Communionem
 refecisset, usque ad supra dictum pagum
Pest iter prosequuntur. Ibi vero a Va-
 tha ejusque Satellitibus infidelibus cin-
 guntur, & injecta saxorum grandine la-
 cessuntur. Necdum tamen hoc primo
 impetu læsus est Gerardus Episcopus,
 qui in vehiculo suo sedens saxi volan-
 tibus nihil aliud opponebat, quam Bene-
 dictionem suam & signum Crucis, quod
 super hostes continuo formabat. Illi
 everso vehiculo Episcopum in terram ef-
 fusum lapidibus conterunt alta voce cla-
 mantem: *Domine Jesu Christe! ne sta-*
tuas illis hoc peccatum, quia nesciunt quid
faciant. Tandem aliquis hasta corpus
 jacentis perforat, ex quo vulnere ani-
 mam exhalavit. Duo quoque Episco-
 pi *Beztrit*, & *Buldius* & permulti Chri-
 stiani occisi. Sed superveniens Andreas
 Dux Benetham Episcopum a morte libe-
 ravit. Ita omnibus patuit, veram fuisse
 Prophetiam Gerardi, quem Ecclesia in-
 ter Martyres ipsa die, qua passus est, vi-
 gesima quarta Septembris, colit.

Martyr. Ro.
 24. Sept.

Cete-

Ceterum Petrus Rex captus & occæ- Sæculum XI.
A.C. 1048.
catus paucos post dies ex dolore obiit;
Endre vero seu Andreas Dux Alba regali
eodem anno millesimo quadragésimo se-
ptimo a tribus Episcopis, qui post barba-
ram Christianorum cædem supererant,
coronatus est. Tunc vero Lege edita
omnes Hungaros, addita probrosissimæ
necis comminatione, Deorum cultum ab-
jicere, Religionem Christianam recipe-
re, & secundum Leges a S. Stephano
Rege suo acceptas vivere iussit. Magno
etiam Religionis Christianæ bono acci-
dit, ut eodem tempore Leventeus fatis
fungeretur, qui si diutius vitam protra-
xisset, & potestatem Regiam esset asse-
cutus, sine dubio Idololatriam revexis-
set. Andreas Rex Monasterium S. Ania-
no dedicatum in quodam loco Typhon
dicto ædificavit, atque exinde Hungaria
a Christianis Sacris nunquam recessit.

§. LIII.

S. Bartholomæus Tusculanus.

Inter hæc Romæ Benedictus IX. in Festo M. S. ap. Pa-
pebr. Chro.
Cass. lib. II.
c. 81.
vit. Barthol.
in thesaur.
Ascet. Poss.
p. 429.
Benedictus
Papa.
quatuor Coronatorum, die Dominica,
octava Novembris, anno millesimo qua-
dragesimo septimo, Sacram Sædem ter-
tio invasit, eamque octo mensibus & die-
bus decem, usque ad Festum S. Alexii,
decimam septimam Julii, anno millesi-
mo quadragésimo octavo tenuit. Tan-
dem